



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 105. Hugo Grotius a Franciæ Rege liberaliter exceptus.

[urn:nbn:de:hbz:466:1-67344](https://nbn-resolving.de/urn:nbn:de:hbz:466:1-67344)

Sæc. XVII. dus in cista repræsentans, qui vivens
A. C. 1621. viva sui ingenii Bibliotheca erat.

§. CV.

Hugo Grotius a Franciæ Rege libraliter exceptus.

Recuperata libertate Grotius Antverpia ad Generales Hollandiæ Status literas dedit, significans, quod omnibus creaturis communi jure suam quæsiisset libertatem, & disruptis nequidem vinculis: de cetero autem nil foederato Belgio perniciosum moliri intenderet: sub idem quoque tempus suæ calamitatis fata, & exitum Parfios ad Ludovicum XIII. Franciæ Regem perscri-

Nenvill. l. c. psit, cuius jussu Verræus Regii Sigilli Præfectus, & Jeanninus Præses eundem de Regis in eum benevolentia certiore reddidere: Lutetiam igitur delatus, summis honoribus excipitur, necnon annua mille aureorum pensione honoratur: Profuit quoque hujus Viri fama ceteris Arminianis, qui patria sua extores in Franciam confugerant; perceptis enim inquis vexationibus, quibus a Gomaristis pene excarnificati erant, Rex non modo in suo Senatu eorum caussam vindicabat, sed liberam in Regno commorandi, suamque sectam exercendi facultatem

eis

eis indulgebat, ringentibus licet Hungonotis, qui utpote Rupellanæ rebellionis fautores, ac seditionis æstu ferventes, Arminianos tanquam hæreticos, & in Synodo Alesiana sacro, si Superis placet, fulmine percusso plus quam vatiniano insectabantur odio, eoque Synodum Dordracensem abominati ab Ecclesia Romana minus, quam ceteri Calvinistæ circa Prædestinatio[n]is doctrinam secederent.

Hunc Virum in Communione Catholica anno Christi millesimo sexcentesimo quadragesimo quinto obiisse, existimant nonnulli; id omnino certum est, eundem in exilio ex evolutis Catholicorum libris, & ex commercio cum eruditis Catholicis, necnon ex tædio & odio Calvinismi, & fors etiam ex summo pacis & concordiæ studio potius ad Catholicam fidem, quam ad quacunque aliam sectam propendisse: scripsit etiam in summi Pontificis favorem de Anti-Chr[ist]o: vere etiam Catholic calamo & animo conceptus videtur ejus liber *de veritate Religionis Christianæ*; in quo Grotius cuncta, quæ celeberrimi Catholicæ fidei defensores Justinus, Athenagoras, Tertullianus aliquique ad convincendos impios & infideles protulere, summa exactitudine, efficacia, & ordine congesit. Refert quo-

Sæc. XVII.
A.C. 1621.

Briet. An-
nal. Mundi
t. 7. p. 519.

Sæc. XVII. quoque Maurerius, quod moribundus
A. C. 1621. colloquium cum Sacerdote Catholico
 instituerit, & Prædicantem Calvinia-
 num ad se advenientem non admiserit;
 Philippus quoque Brietius de hoc Viro
 ita scripsit; *in eo vix hæretici quicquam*
fuit, præter externum cultum & nomen,
quæ etiam parabat ejurare, ut significavit
michi, & Dionysio Petavio, idque fecisset
maturius, nisi ad Ecclesiam comitator, li-
cet forte imprudentius, redire maluisset.
 Unicum, quo Calvinistæ Grotium in
 eorum secta decessisse sibi blandiuntur,
 argumentum defumunt ex Joannis Qui-
 storffii Prædicantis Rostochiani epistola
 ad Colovium, in qua ille recenset, se
 moribundo postremam præstitisse ope-
 ram, ac Grotium ab ipso admonitum,
 se peccatorem, & Publicanum fuisse
 professum, atque in solo Christo om-
 nem sibi spem esse repositam dixisse:
 Num vero non itidem Catholici omnes
 mori desiderant in communione Christi,
 extra quam nulla falus, & in quo solo
 tanquam primario Mediatore unicam
 salutis suæ spem reponunt? Quocirca
 haud immerito Antonius Arnaldus fa-
 cete Quistorffium redarguit, quod Gro-
 tium, in qua communione vel Eccle-
 sia Catholica, Calviniana, Lutherana
 &c. mori vellet? interrogare oblitus
 sit: magis adhuc ridicula est Clerici
 respon-

responsio, dicentis, quod Quistorffius Sæc. XVII.
 id non interrogarit, eoquod Grotium A.C. 1621.
 in communione Christi mori velle agno-
 scens, cetera superflua fore crediderit,
 cum non in communione Pontificis,
 aut hujus vel illius Ecclesiæ salus sit
 reposita. Verum adeo insulsa est hæc
 responsio, ut etiam recens quidam Pro-
 testantium Scriptor hæc addiderit: val-
 de dubito, hanc rationem fuisse Quistorffio,
 cum ab illa quæstione abstinuerit, quæ ta-
 men necessaria fuisset erga Virum,
 quem ipsi ob dogmatum varietatem,
 & doctrinas multas Calvinistis & Lu-
 theranis adversas, quas paulo ante &
 sæpius vulgaverat, nulli Ecclesiæ sa-
 tisfecisse scribunt: Unde haud mirum,
 quod tota Quistorffii relatio studiose
 conficta a non paucis credatur, eadem
 forte venia, qua mortalibus frequen-
 ter talia comminisci assuetis, nemo
 facile fidem habet, ne tunc quidem,
 cum verosimilia loquuntur.

§. CVI.

Angliæ Ordinum comitia a Jacobo I. Rege celebrata.

Hoc item anno die vigesima tertia Ja- Meteran.
 nuarii Jacobus I. Angliæ Rex co- Hist. Belg.
 mitia celebrabat, ad quorum initium l. 41. p. 312.
 sermonem habuit, cuius prolixitas Le- Lotich. rer.
 ctori cap. I. Germ. l. 11.